

荷
塘
詩
集

荷塘詩集卷八

涇陽張五典敘百

五椿軒

并序

官舍東偏有椿五株其三相倚而生高欲出
城蔭可十丈餘傳爲數百年物二則離立差
小於前耳考東安朱縣也卽樹之由來可溯
已軒曰澹遠簷摧壁頽擬移就樹重加修葺
取供憩息徑以五椿顏之因賦長句

布景言 卷一
祇少蒙莊爲計年霜風披拂尚團烟盤根密遼疑
無底老幹清堅直到顛五樹新圖開粉本百圍遠
籟和朱絃從教靈藥栽桐柳讓我環居蔭已全

八絕句

衡嶽五峯出積雪明天表化工餘巧力因小得成
小五峯山

蒼髯何老人迴顧失烟雲磐石洞門口爪痕深幾
分九龍巖

雲影似擘絮隨風山雨來野樵青筇笠子于遠林

隈唐帽山

山寺高幾許行行愁古松天風吹縹渺雲外一聲鐘

高山寺

鐘

蘆花一綫水峽東曲無數輕策俯層巔汀灣豁曉霧

八十四渡山

近山一石竈仙客舊時壇誰復乞刀圭明霞正可餐

雲霞觀

呦呦兩白鹿獵客不能致使脫銅環何人識篆

字

黃華鹿

六曲取圍床誰與擘太華點筆坐莓苔硯屏聊可
借自然屏

張壺山中翰秋坪遠眺圖

壺公家住古雲陽十年移近平山堂江上青峯看
不足直上燕臺窮八荒秋風思歸徑歸去綠髮未
許侵微霜某水某邱重點檢烟雲供養壽而康曾
到子真舊谷口悵然懷古迴中腸鋪雲渠雨失經
畫斗泥石水妨耕桑白公遺意盡原委老筆典重
留鴻章至今下士收搨本尚驚行草追鍾王碑在路公

祠漢堤橫作三渠界坡陀迤連連平岡勢背慈
我面畢郢櫟陽地接涇峽長得非上下入審顧憑高
一爲分紀疆古人作畫有深意後生蠹測誰能詳
但見天色蒼蒼野茫茫雲邊練影浮寒光無數風
林脫枯葉征鴻幾點南飛翔

書上官周畫冊

人物畫手古稱難臨汀一派著意看竹莊老叟更
殊絕輕毫淺暈神獨完此冊霉駝蟲蠹餘精氣奕
奕腴不枯隱逸麗姝各有態並將凡骨脫奚奴何

人裝點到仙鬼青紅真抹誇奇偉譬如對面肆欺
謾隔水空城衣木葦由來妙技祇尋常一憑心計
窮研桑海邊蜃氣成樓阜何論幻藥爲羝羊

雨中偶成四首

細雨無晨夜勢欲畢此月嘉樹石牆隅孤禽就疎
樾踏枝看毳毳啄苔聽啜喋奚奴漫相驚勞勞暫
穩貼憶汝初來時支撐餘鷄骨遲之豐羽毛且將
縱鷗沒倉卒得所依與彼何差別

一本木芙蓉開久色猶淺幾叢金絲菊無霜各拆

展於時秋已深得氣初無歉大哉造化功誰云芳
事外盡日巡階看偶然和露剪枝莖妙點綴一一
帶碧蘚烏几供膽瓶寒光愛清湛

晡時作小熱憑軒望高風野雲如橫案寸碧露孤
峯奔流烟際來遠響下前嶺蠕蠕見漁艇出沒蘆
荻叢此邦生事儉石耕趁餘工搜索到蝦蚌儲蓄
聊禦冬感此願暄妍好爲長葵菘

老椿枝柯繁貯雨知幾許乍晴垂殘滴流響滿虛
廡暗蛩依床角音澁餘一縷擊析可憐子行歌還

自語宵深山氣寒執役何勞苦丁寧到中厨夜夜
豐以醺不見重簷下泣然濕石礎

送黃蘊采歸深陽

風急看秋老夢思千里湖烟霞名嶽展雨雪故人
襦行李原依舊詩逋得盡無泊船歡笑後披稿示
妻孥

鄰邑有儒吏

謂江浦梁明府昌聖

論文好往還憐才應過我

抵掌共開顏感憶滄鳧子

故友王洛陽字

遺居石屋山詩

篇久零落若爲寄江關

放船

寒江清見底，峽掩山流通。
翠積叢生竹，紅欹半樹楓。
扁舟下飛瀨，沙際起羣鴻。
多謝連宵雨，居然萬里風。

兵書匣

雷電何年下，取將崩崖欹。
樹鬱蒼蒼秋，蟲蠹葉都成。
篆幾片隨風墮，客航

白灘鋪

楚山寒更碧，杉竹倚雲生。
隔澗聞人語，衝烟覺鳥

驚片帆巖隙過雙埃樹陰明霽曉經迴磴前墟一
水橫

雨

冬熱釀爲雨霏霏薄暮時投簷禽影疾墮地葉聲
遲楚徼荊州僻湘源越嶺陲當須順寒序幽濕捲
涼颼

答何一齋明府

熊仁和人

君爲浯溪志逸事盡搜索自檢胸中書無用翻殘
籍斑蘚剔蒼巖題字舊游客豈曰堪其語漫郎一

片石孤懷嚴棄取持論薄釀澤祇愁陵谷深難假

巨靈擘巖者恭惠公

於一齋
爲從兄

中州初列戟大梁古

方輿要得紀往跡分訪付門士我向洛陽陌十日
嵩少間爲著秋雨展直上達磨亭歸問游巖宅崖
洞極窅冥篆籀重審譯其美果在腹手錄欲盈尺
到處隨例疏出袖供擴擴名山歸求點夙緣同今
昔邀許共窳擗樂與占尺冊閒夜渡香橋憑肩岸
巾幘鐘聲白鶴觀月冷江烟碧

如山叅戎舊有玉笛友人以詩易去艷其事

爲賦一律

一曲清商奏已終，苔文看裂石屏風。
應知明月滄洲上，曾舞潛虬翠浪中。
錦段遙憐美人贈，梅花寧惜好音通。
九疑跨到南飛鶴，傾耳山頭萬籟空。

與黃鷟輝同年夜話

九叙錢塘人

西湖風月夢中游，坐聽君談竟在眸。
鄉思何堪五年後，客蹤還憶六橋頭。
共看桃柳明新霽，更愛霜烟入素秋。
約赴詩僧謂恒公頻把袂，清琴茶具一扁舟。

與遜修少尹記事

此判知難移然亦豈得已夜分對磨勘倒床還再
起風葉滿前除霜月涼如水竹陰簾影開橐橐聞
君履吾輩得無誤挑燈復凭几代爲求一綫反覆
幾裂紙嗟哉冥頑人心跡竟若此展轉十日來搨
管跡生指鄰雞啼更番疎牕明寒晷蠕蠕硯池邊
跼縮憐凍蟻

粲粲亭

讀書每是懷前輩來問山亭入道州文學端能存

惘惘循良並得擅風流兩言題品傳詩史異世莊
嚴感故侯要洗宸樽致清醕春江載酒借漁舟

寇公樓

司馬無公字謫官餘畫樓人情交愛惜天末望嬉
游繞檻瀟江過當簷舸嶺浮雷陽植竹地野祭自
春秋

緣天庵

醉來槃礴解袈裟筆底雲烟亂雨花四壁墨光居
士宅千年香火梵王家招魂薄薄思傾酒落響丁

丁看畫沙谷口結茅吾計早霜秋柿葉麗丹霞

夜

灘聲寒夜壯遠聽下城東漸退當牕月輕傳落葉
風分明一心在展轉十年中默數來時路渺茫烟
水空

寄敘葵十二弟

少年初作吏昭化古通途應上馬鳴閣有懷何易
于乘閒開卷帙習靜坐脚趺況是逢歌凱農民盡
賜租

梁冲泉廉使屬賦大理石屏靈壁石筆山各

成一首

古木寒鴉影

御題得看來

乙未冬日王偉人侍郎示觀賜唐寅高林慈烏圖

宸翰題識

御

真璧寶也桃花塢中人畫苑生而開一片雪色石誰與
染麝煤團烟樹榭杈塌翼禽毳毼造物事游戲神
完象昭回粉本皴法好不須點蒼苔

小山不五寸巒巒峯十二別鮮次低昂凹凸極位
置米顛袖中物自要見畫意思公珊瑚格對之成

常器聚石玲瓏館

寶幢學士題公北軒曰小玲瓏山館

難題甲乙字

尤愛硯席間浮嵐滴寒翠

陳秀才珪見訪且索近詩

羅浮江上訪君家反鎖松門耿暮霞長卷深沉袖
詩草扁舟蕩荒穠蘆花何來短刺通孤館要揀寒
金就淺沙閒淡爲歡元夜過滿城簫鼓自喧嘩

答劉時軒司馬

會合酒人傾碧釀來詩嗔我但言茶交因如水得
真契心覺飲醇猶漫誇好是迎春逢霽雪定知繞

屋放梅花攜樽擬就疎窻下同醉還烹粟粒芽

送余十九世本北上

祇有常談及道蘼衣邊原自繫靈珠百人亦見才
憐汝一日相推長以吾看引僕夫來舊雨要從老
馬問前途湘江碧漲春晴濶去趁長風十幅蒲

送蔣鄉洲歸吳下

湘表交游場遇我獨見厚長歌歸去來小留惜春
晝鄉音聞吳舸蹶然快相餞舍館巷南北往還且
互就雨霽武陵源月明鸞山岫兩年送主賓

丙申五月

余至常德留宿三日丁酉六月
鄧州見訪於攸江中夜送行 踪跡倏已舊我性

本疎豁藥言每深透臨岐意徬徨良箴復誰又

舊築藤溪上歸及藤花初老兄垂素髮

恪亭先生

連茵

傾芳壺語次及湘南定知問狂奴爲說比年來依
倚同响濡因憶大梁城秋風送歸吳吳下重會面
閩嶠赴上都繾綣留信宿徑如在吾廬君家伯仲
間見心好相於江湖通一水時時望魚書

郎君看花客泥金報遠道借問宦游人誰家子弟
好歸舟堆卷帙橐囊都如掃家塾集諸孫分甘與

梨棗近隣二柳居陸子

王任號二柳

挂冠早唱酬田園

詩相看其絕倒

與陳衡陽

篤丹徒人時引疾將歸

一笑留賓解帶圍白鬢栩栩共眉飛有懷京口春
光好爲說鄒湖酒力微畫閣已從投轄飲扁舟還
得借書歸主人東道情如許攜手丁寧漫拂衣

留東趙魯菴別駕

碧湘門外雨如絲風送輕黃著柳枝烟水遲君同
鼓枻展筇會客正圍棋尋春名嶽成孤興灑酒江

亭約後期欲料歸來逢夜月懷人多是倚樓時

白沙洲

并敘

祁陽志畧餘姚翁大環游粵歸及此歿於水
近村有鄭海生者見而料爲士人要兄海寰
厚瘞之收其佩鑰一具蓋康熙壬申之冬也
遺孤陟山蓼埜兄弟稍長卽自操舟楫沿溯
江湖求之三十又二年乃得往返証以書笥
舊鎖而決之廬墓築祠號風泣兩人稱孝焉
余以鄭氏之義並可彰也詩附續志

故物悲看已在茲
塵函得啟舊書帷
孤兒自抱終天恨
眉鎖開來豈有時

爲種青松樹幾株
刊碑惆悵姓名無
孤墳江上逢寒食
三十年來飯一盂

祁陽訪何一齋官舍

示病手揮羣吏散
注書心喜好朋來
空疎顧我才無補
吟望知君日幾迴
竹屋對移藜榻近
花叢輕拓紙窻開
泛秋忽憶經年約
滿酌窪樽向水隈

瀧泊墟

山近營陽窄紆盤石路遙春風動林麓暮雨矢村
橋坪勢疑經剗燈光似見招重茅殘滴斷看月起
中宵

麻灘

麻灘長里許宿雨漲春波層石誰勞徙輕帆自在
過岸花風影霽峽樹鳥聲和飛瀨延平上曾爲叩
楫歌

梁冲泉公移任廣東

舊時未識公於心覺已熟持身自壁立愛士肯推

轂紫陽峻標格

謂朱石君先生

目空少悅服稱說經屢聞

遙思久以篤大波滙洞庭高峯竦嶽麓吏民依廉
使氣暢無局促輕刑施治世訟繁耐楚俗浮議任
之衆明斷伸所獨坦然談笑中正爾風裁足連榻
心石齋招客及休沐分題坐從容令不嚴刻燭從
悟文章境妙非關遲速宿因在江海凌風合階木
雲帆極南溟蠟屐著西竺舉臂誰相隨羣情交遠
屬卑棲寒亭外傍徨瀟水曲前年向七閩里謠諧
兩鵠

丙申冬移泉

福州丁酉

命仍流長沙奇緣或可再端著欲

從卜

哭何祁陽

善病亦已舊訃音聞尚疑開軒憶留客支坐與談
詩潦倒紛多感方書解自醫如何揖別後相見更
無期

浯溪志幾卷手寫已經年搜索心殊苦刪存力自
堅共商曾示樸叅議竟摧絃傳語留真本含悽致
酒綿

王胥九瀟湘夢醒圖

水石生烟竹嘯風曲屏黃篴小樓中閒身睡足連
江雨鼻觀殘香一縷通

蠟紙窗明曙色開蘼蘼枕上夢初迴麓山梵剎層
雲外風送鐘聲過水來

與吳沅州信辰二首

江頭竚立看風旌盼得樓船過洞庭會面寒暄無
幾語倒囊詩筆及零星爐烟冷淡殘仍續簷雨潺
湲響又停舍館相鄰雙屐便趑閒比夜對燈青
談深雲霧氣如虹每以憐才見大公事到必傳甘

苦盡人逢真契死生同論文已共西園老

張印周先生

並世猶慙華下翁

公詩並世未相見吾慙楊子安

我亦有懷拋不

得題襟問字廿年中

邢季佩鄖陽來書及燕游舊事賦此却寄

龍門水接洞庭波駕浪難憑赤鯉過興在登臨知

不淺客於豪翰問如何雕輪憶共青雷子

朱文震翠

館聽殘白雪歌倒載歸來論畫事解醒旅夜點酥

陀

楊璞存刺史枉駕屢過寓館

令孫寧都人舊宰涇陽

使君慈與舊時同存問更番絮語中寂寂自緣酬
應拙羅羅爲許性情通老於文學如聲叟妙絕真
行見褚公會拂溪藤揮栗尾良箴付我上屏風

贈黔陽葉二楓明府

家有遺書自石林扁舟載過五溪深憐才合得虬

揖守

吳信翁嘗以之自謂

擊節龍標馬上吟

君新詩題此五字

古黛長和古墨香屏風六曲好圍床

君得明人醉畫十二幅

顛乞與分明看爲補雲烟草數行

答張江華

綺者不相識有人傳我狂往還經數面披豁見中腸影到濃陰息鋒依寶匣藏因君覺時議所誤得從償

楊懿葬都尉從問何禹門消息

畫手不可遇繪水尤稱難有人脫巾躡草履砥柱峯頭放眼看青牛老翁舊此住絳雪碧霞浴大丹九曲氣勢極一攬胸中森森生波瀾我時飛艇過雷首相逢共酣桑落酒烟濤偶爲談瀛洲跂望南天引白首隨風徑去五羊城扶胥浴日登孤亭信

及吾師在海上潮汝湏洞真移情溟漲分明與筆
力掃壁夜聞水有聲宿緣江海輕移徙似駕青螭
控赤鯉澗深曾否擷菖蒲問訊有需向千里

雙石碣

并引

劉博平太守初爲道州牧所以除積弊者甚
力州人疏條教刊諸石旣遷去胥隸病其礙
私也潛爲埋滅失碣所在廿年餘矣嗣君東
溟來攝行州事搜索而出之公解堅壁中惜
就剝落乃鐫副碣並豎焉嗟嗟坡公麻城萬

松亭詩云縣令若同倉庾氏亭松應長子孫
枝有慨乎其言之余獨爲此州幸也因成一

律

清風非爲炫清時那計人知計不知原是蒼生同

赤子徑看官政似家規慮空襲水行將淺

用杜預事判

並南山總莫移比例稱名準棠棣好應喬梓紀雙
碑

友人請以雙碣詩寄劉東溟却答

踪跡青山碧水潯覺於軼事耐追尋古聞真語成

詩史誰噉微名向藝林佳傳寧要千斛米前賢難
負一生心少陵同有春陵什卷軸增新只自吟

鶴

啄苔飲水自清臞擇木唯憐偃蓋株爲惜裳衣高
步蹈與投餅餌枉招呼舞姑且客從殘客長豈相
矜向野鳬果肯雲霄相送去海山未少是元珠

鄰野

楚微語侏離讀書亦鄉音荒塋石墻外松篁望蕭
森雞聲寒日曉燈影閒夜深鄰兒勤吟誦聽之清

我心疾徐及抑揚似解事叅斟字句迄難辨亥豕
徑可任欲譬巖洞間古調彈幽琴又喻春卉叢爰
止鳴珍禽窻前引稚子披卷坐正衿琅琅作互答
同惜分寸陰頗憶閩中賢一編垂藝林漳浦蔡氏有正音一
書爲鄉語所以變馭舌猶如置南針伊誰爲人師
遺意好追尋

示吏

社倉遺規傳紫陽其人經畫行其鄉出入不言屬
胥隸此中意旨微而彰後來侵漁自當局壯哉鼠

崔多耗亡里黨相推及大戶有借收令爲隄防州
邑案吏逞巧黠就裏公然持短長里豪蠹吏其利
數貶蚩狼狽相扶將一二村耆或自愛刀筆立與
生疣瘡展轉託名恣驚擾要平聲輸泉布羅酒漿逼
令私售滿慾壑豈勞破費開私囊歲久沿襲儼成
例廩虛一掃無糶糠汝曹伎倆類如是卽時指屈
安可詳長官於人亦平易須知便腹貯剛腸

段得田學博招飲

東軒疎快開華筵蔬果初摘魚脫泉主人舉白酌

酒客中厨一斛藏經年性憐麴蘖知豪飲要將囷
坐聽談天雄辯安所得焦遂脫帽不過逢張顛星
沙春譙無虛日招邀到處陳嘉筵瓶罍疊疊看捆
載風好岳陽歸漕船竭來山城但呼渴村釀豈解
醫饒涎壺鎗棄置誰料理清齋徑欲叅枯禪持螯
擎盃了一世些微願力非難全作此寂寂可自哂
亦云百事常隨緣休問汾并艷桑落馬湏蒲萄來
極邊十載回頭祇夢幻舊游說著心惘然今夕何
夕啟笑口燒殘絳蠟還流連醉語雜還那覺得童

僕倦立頻回旋指點前階更移席袖花香裏月清
妍

都麗嶺

五嶺跨百越都麗居其一綿延不可徵空際高峴
吻秦以負芻去熊楚霸氣畢謫戍分萬人防虞亦
何密桂林置大郡雉堞應可漆何不銅連山緘隙
休容髮極北築長城燐火生白骨維南守蠻陬木
客並異物吳望有遺黎幽巖安家室雞犬野雲中
便是神仙窟

夜

湖雲江雨作春寒，密箔深堂向夜闌。
火續楓毬烟散白，書攤芸葉點流丹。
勞生小憩緣非偶，靜課新逋補未難。
解事依依憐稚子，支鐺溫酒具牙盤。

荷塘詩集卷九

芭蕉

蕉葉舒雨中抽節競新竹日夕南窗間

綠客來說去秋薄霜不落木江頭艷芙蓉籬下粲
叢菊望風獨離披片片委墻曲逢時快一展倏將
過三伏是何見之晚化理有剝復何者楮與苑誰
云禍非福尹邢當妙年顏色美如玉徐娘旣老去

饒他風調足所以遺榮人不必雙鬢禿引年戒留
戀知足遠恥辱亦有劉叅軍報恩志自勗米甘徑
就衰氣充無迫促難似李百藥兒時早驚俗才壯
無銷歇暮齒終刮目矍鑠據馬鞍精神應滿腹扶
衰藉薏苡謗言適自速甘露作羹湯空教蓄太欲
華皓轉黑頭誕妄寧用卜受命於厚地有聞松柏
獨最好物無情況復根茲宿

午睡

朝來睡足三竿日湯餅平看又作魔意倦祇緣閒

不了時深更料懶如何狸奴戲影翻空砌瓦雀攢
聲噪滿柯廼甃山齋亦吾事未甘長晝爾消磨

何禹門舊爲余寫種竹圖檢之不得因而有

作

物妙通靈去逐風寫真猶是記何充把鋤苔破草
堂下戴笠竹移梅雨中往日交游多佚士故人踪
跡各飛鴻何當雅集成佳興一序憑看襖帖同

周晴嵐孝廉花卉長卷

近間在杭
州幕府

行篋載書並載畫山雨作霏霽日曬因之重尋種

竹圖著意點檢得一快贈行一片故人心藏來什
襲防摧壞所喜不汙寒具油豪奪巧偷有預戒法
傳徐熙工寫生空盡膠粉沃沆瀣題句艷麗也復
佳鄉風舊分長水派朋知會合瀛海東繫我歸帆
獨早挂離筵諸客同傍徨夙遭多少文字債座上
白髮龍眠翁最先出語感老邁謂家休葬君亦預知後
會難要予新詩書倒薤袖出此卷云相謝分攜猶
堪抵面話已看桃李博瓊玖誰計絲麻勝菅蒯似
聞擁篲迎高門定知連鰲引衆牯大庇旣少厦干

聞來游安得士瓌怪但憑手跡作神交果然慙興
劇爬疥圖中十友自相依斷想爭能說禪界

劉時軒司馬水月秋舫圖

人生難學琴高生身騎赤鯉遊蓬瀛亦不願學鄩
國公凌烟飛閣隨羣雄獨愛香山老居士教人摹
寫爲屏風集賢遺像知何似深沉院宇如南宮好
是八節灘水曲紆迴歌櫂移奚童不爾百花亭子
下滿湖明月支船篷天色蔚藍野烟碧荻岸積雪
楓林紅使君快論有如此座客因之得畫理槃礴

不要寬作程五日一石十日水却是閉門經月餘
湛然秋水點眸子更請畫到香爐峯七尺筇枝雙
屐齒

梅子

傳黃梅子熟繞樹走羣兒適口思何妄攢眉笑帶
癡風枝乾可惜階木取何爲滋味多如此酸甜只
自知

枇杷

枇杷尚未熟入市帶枝繁生計無餘產時鮮蚤下

園佳蔬偏掩抑老葉備盤飧楚俗終堪怪思同達
者論

篋

書篋攜之久開函覺尚新資隨年欲改鈍與嬾相
因最是丹鉛好都難記憶真便便虛此腹收掌負
姪人

屐

一生須幾雨中歲已千山長與筇枝並輕扶石磴
間旬餘值梅雨花下染苔斑薄鞢重塗蠟晴階午

景開

吳將軍祠

碑載名舜舉曾隸狄樞密部下討儂智高時率兵過此秋毫無犯故

祀之考宋史張玉孫節而外狄公更無裨將或失載與

將軍聞誓衆伐鼓去蠻荒戰勝歸仁舖身隨狄武襄姓名遺舊史伏臘拜窮鄉附驥還湮沒因之感歎長

松花道人詩云忍死待郎三十載歸鞍駛得小妻來可以怨矣聊下轉語不必以蛇足議之也

青裙縞袂髮零秋自莫韶光似水流但得歸來不相棄憑君重作茂陵游

卽事

已是無藍本拋荒又幾時消閒偶爲爾諱拙旋藏之緘折眞偷看兒頑巧致詞雲烟愛紙尾題字甚離奇

守坡公罷郡將赴江華司馬任

檢來詩草簿書叢卸却腰章一寓公邇日閉門餐餽飪長時品石袖玲瓏念念幻夢俱蕉鹿歷歷游

蹤自雪鴻筇鼓安排諸里社歡迎慈面白鬚翁公舊
有夾道姬兒歡且說長
官慈面白鬚翁之句

石煤

石煤在楚南祁陽得盛產舟楫通吳越桂薪嘆可
免窮民覓此利鑿山開石眼陰洞扃且黑舉戴燈
一盞赴壑旣如蛇由竇復類犬鑿削而襁負長晝
不數轉寒氣每中人袖手到廬扁時深忽崩塌窺
窔哀肩鍵凡物屬尋常用者恣暴殄不思採取難
詎關聞見鮮稱炭數米粒匱矣彼福淺殆金蠟作

炊荒哉諸貴顯

陶桓公祠

舊封羽籥薦嘗烝奕奕精靈此式憑平亂膚功合
方鎮述懷遺表說山陵婦門得顯賢明教晉代能
專檢厲稱誰賦東征偶疏畧郎君露刃氣填膺

贈吳碧川

于鬣重與歎于鬣應是章華舊相才長作寓公憐
絕境自因宴友築平臺欵門車轍侵晨集移席棋
枰向夜開手板匆匆束腰帶偷閒且爲幾迴來

紀秋槎觀察漢臯秋興圖

西來秋色徧滄洲好向長天一角收
約約化機看遠意超超談客記同游
翠微白帝樓頭座明月黃泥阪下舟
今古詩情原共派眼前萬里大江流

魯菴子中庸索解圖

兀坐長疑滿席塵冥搜盡處許通神
其推伯始宗天下又說東坡過古人
肢體墮來容著力蹄筌離却好存真
語君一語君應笑穀自陳陳米自新

再題

深庭寂寂一方床二尺燈檠夜吐光說得還期行
亦得言忘何有象難忘謝安白馬重咨阮向秀元
風獨注莊我舊看經蓄疑義要憑對案細論量

飛鴻隔

劉陽龜山先生遺跡

江閣何年頽浪沙登臨爲想岸烏紗鳶魚自在閒
游目撫字辛勤偶放衙遺址試尋文發出飛甍擬
構畫欄斜流傳原有南軒記不復新銘換落霞

孫隱山

相傳以孫隱君思邈得名

氣空鉛汞數篇詩却說圓壺到處隨採藥南游極

湘浦結廬西崦似栽眉物歸有用方書就人爲延
春造化移幾見天仙登紫籙從來上界足曹司

謝賴旭莊貽武夷山志並茶卽送歸崇安

平生千首紀游詩雙屐還猶剩武夷卽目徑教靈
境在有懷難得曉人知湘簾雨夜閒披卷鐵版峯
秋去看棋茗戰官園新焙綠何當一櫂赴前期

吳秀才炳奎畫

吳生家在武夷間藍本當門九曲灣爲把禿毫和
淡墨妙傳碧水繞丹山探奇夙願憑相慰挂壁遙

神自得閒就請層林雲影外幔亭著我俯區寰

舅氏耒陽公輓詞

外家衰已甚又失老成人

甲午乙未間外大父選

敬夢飛兩先生相繼但化舅氏報感以文章契兼

書有云者舊淵謝吾熊氏其哀矣

之骨肉親魏我晚耽飲磨折久安貧宦跡存遺愛

蒼碑沫水濱

談藝輕時輩髫年疑我狂秋河試一賦快壻得東
床教學交相益敲推務取詳生平真善下大作許
論量

八法稱熊字中峯楷更精宗風振蕝苑學步徧時
英工書時推爲熊字學者翕然宗之亦仿蘭亭而家用儀戲謂學步以表字步試也

終思劍術名吳中有靈秀似舅是爲甥

黃泉見愛女爲說十年餘遣嫁能宜室生兒解讀

書

髮妻孺人以丁亥云媛遺女方十二齡今適周生會培已五年矣菊兒生於己丑嘉平側室李

氏出余于孺人所謂沙礫生金游蹤極晉楚遠信

殊出蚌感君舊許置青衣者也

達鴻魚才短惟常俸粗分及戚間

服事老楊斌潛然爲愴神前恩重

平聲

一數故主半

三秦

舅氏宰耒陽夢飛令安化楊子安令邵陽楊南枝令醴陵實相先後使人楊斌誦事之

才愛明公最家藏醉墨真借觀多拜倒僉曰重其
人

與熊涓源論畫

畫格如詩格祇應清老難試從無筆處更作幾層
看沙浦風帆遠霜林夕照寒邀君秋色裏曳杖一
盤桓

陳則亭枉過寓齋

因病曾吟止酒詩消閒似似一中之劇談忽得逢
佳客痛飲都忘到醉時藜榻爽移新月下水鄉涼

入早秋期休嗟老態清臞甚意興還堪倒接離

和人謝畫

幾時規仿到荆關隨意淋漓尺幅間落墨原知從
大處寫真偶與趣餘閒得心喻手推神解畫角描
頭坐力孱但使經營歸有用試爲聚米也成山

疊韻寄答楊璞存刺史

畢竟先生趣不同居官亦祇愛山中常供茗粥時
三椀定課楞嚴日一通自以清狂方賀老人言拘
強似韓公手箋徑丈偏相及讀徹帷燈五夜風

惜奴子關雋

瘦極已無聲輕呼一轉睛睇凝應苦戀眉蹙是哀
鳴藥物盡人事摩挲傷主情誰家好兒女長命祝
來生

容有

病勢忽能減重生容有之從頭靳嗜好著意囑醫
治漸得宵眠穩差堪午坐支下寧向火伴與報主
人知

彭生映南畫鷺鷺因示之

襤褸白鷺晚風前摩詰詩情欲借傳吹皺泠泠半
池水開殘裊裊數莖蓮寫生有訣神須到著筆無
多象自全老手定從何處看得來意態總天然

蕉溪嶺值遜修返自長沙

秋晴放溜扁舟去返櫂原爲十日期翠嶺偶看紅
葉樹藍輿相遇白雲陲爲憐急性無如我試數知
心更有誰不遣離居一帳望水程安穩故嫌遲

贈羅生宗彥

吾祖昆弟七父行十三人同居已七世

表問風和淳

御製賜寒家詩表宅寧關一家勸所希北戶洽和淳

詩書爲

家業久得列薦紳空疎如子者薄才亦一伸作令
楚邊邑得士文格醇暗中摸索耳家世誰與陳修
謁子執禮交以道義親父叔登賢書不仕似隱淪
其仲吾年友科名同庚辰二祖十六子高陽兼雙
荀析衣無常主一門藹如春三湘孝友家指屈當
軼倫羅氏後必大子其倡而振期以培風翼扶搖
上高旻衣鉢吾何有問字門屢臻有子十二齡誦
習性尚馴肯許共筆硯芸窻坐連茵

荆八明府道乾得請

封伯兄求爲詩

年友荆龍山少孤撫於兄誨之則師道廿載名以
成

褒封沾異數報答申私情
燭燭一宿儒燦燦章服榮側聞訟廳後長設小竹屏
終日聽判事得失退共評徑似在家墅
曩時嚴課程已看成老吏奉教猶兢兢
妻孥安故園不令撓其清相依官舍間
對床當書棚吾家運使公和友感平生邀

恩及伯氏

紫詰下

彤庭

先伯魏堂公在兩浙驛道時
馳封兄伯西峯公如其官

寄題李五峯百鷺圖

右軍愛羣鷺以字換得之李子書鷺字滿百以自
隨亦云心所愛不覺成此奇我知真好事變態用
意爲頗聞如椽筆酒酣墨淋漓一字徑一丈雄偉
有別姿偶或作小楷蠅頭妙毫釐界尺手自畫朱
絲與烏絲時而出荒怪時而循繩規賢者難可測
要自無所欺鸞箋欲附去爲余一臨池便請仿黃
庭紙尾鷺亦宜

傅藹亭前輩墨竹

樵風溪堂吾屢過爲看壁間竹一窠心欲乞取輒
中止主人

遜修少尹

詞婉感如何自言愛竹先君子寫

神寫貌知幾多隨手散去爲人得并無片紙留行
窩故居山陰巖壑裏移傍碧湘寄薜蘿藏弄鄉中
好事客歸此於我憐搜羅君家有客頗不惡能以
仁心填愛河溪堂之名原自好兼可墨君題四阿
巧窺豪奪足守護示知君意誰攜訶湖州老手世
無有書字人惜非東坡

陳芷問學飛鴻書屋落成

龜山之閣號飛鴻六百年來舊跡空復古我還須
暇日借名君爲仰宗風縱橫圖籍堆床滿豪翰賓
朋列座同誰就素屏摹小景圓沙斜月雪蘆叢

芷問約酒熟招飲

怪來投轄每娛賓善釀山齋滿貯春待撥床頭雲
一甕肯教月下影三人饒涎已是經相引野藪無
妨與雜陳寥落狂名緣獵酒爲歡自合及佳辰

送劉訥菴孝廉歸衡山

一棹溯湘流山看九面秋城依迴鴈塔家有勘書樓小別亦岑寂重來好唱酬仙翁足相伴丈室集

諸劉

君及族士數人俱出曠胸饒太史門下

夢凝撫九弟

隨時輒想見夢亦止如常世務殊多擾羈棲各異方舟橋河曲水砧杵楚天霜不必寒燈雨中宵憶對床

疊韻再題飛鴻書屋二首

草堂長是記盧鴻跡爲人留豈落空還借雲烟供

枕藉却編薜荔作屏風休閒稱意無今古締構觀
圖小異同

畫史有
草堂圖

何礙期仙屬儒者鸞歌鳳舞也

成叢

虛左相延忝上賓先看紫餅截先春元龍自有連
床客張孟原爲善頌人孟杓常材從不用盤飧兼
味漫重陳落成記取高秋節日月晶明會大辰

白鶴山人蜀山圖

江烟峽影望迷離樹外朝雲暮雨祠不是蜀山真
未見鄆筒祇少挂鴟夷

蕭森一氣入秋期萬疊嶙峋向背奇已得岷嶷落
吾手閒中徑補兩川詩

劉時軒太守索書水月秋舫詩走筆奉答卽
送之任開化

書來乞詩要自寫飛人遞送抵介馬行色萬里甚
怱怱問君急此何爲者卷中題字多巨手一歌深
慙類扣缶大草好之每自譏誰復千金享敝帚手
箋有語妙入神一往作事愛我真卽看文字閒游
戲篇篇詩中能有人從來移甲得就乙何翅杜蘅

亂細辛生平雕飾太不足時賢佯許心多真標其
所長見所短毋亦託詞出悃欵別後不易聞規箴
含情豈徒惜侶伴按部行過莊躊躇路條吏悃悃必
善遇扁舟沅水水程遙游鯉幾時傳尺素

疊韻趣芷間

過盡南飛碣石鴻寒來陡覺酒杯空蕭辰多是晴
還雨良夜其如月與風霹靂釀成嫌太逼逡巡說
好料應同借籌採取花枝艷但恐霜枯百草叢
不速當看倉猝賓梨花未是趣餘春流涎笑煞車

逢麴抱甕催教夜換人
屣曳階前疑欲倒榻懸庭
際始爲陳頽然一醉成
吾興似聽重來約隔辰

贈盛拾雲茂才

此生到處有心知分是
前緣過亦奇好共登臨乘
意興儘教文字作娛嬉
多疎能解攻吾短善忘去聲
還憑補所遺就裏與君
誰過肯東田宿士古鬚眉
峯史九

邱翔雲尋梅小照

若有人兮水之涯衝寒踏雪看梅花
記余曾繞西

湖間遺跡孤山處士家

竹莊老叟貌清臞自寫梅花高士圖

長汀上官周自寫小照余

見之黃莘田處

筇杖斜支烏帽下比君一樣白髭鬚

東周翁卜年

畫手入老景幾於能自然隨心得繁簡無事競媮妍更却丹青助祇憑水墨傳吾將挈茶具來與試
叅禪

寄熊漢符表弟

清白遺來是舊聲祇餘京兆慕阡名故交多識稻

中散大事誰憐石曼卿妻甚羈縻長似結蕭然宦
橐一爲傾梨花寒食青郊路攜手他年上冢行

贈段繡男學博

永雋常寧人

良時仕宦豈忘情冰署從兼吏隱名偉甚衣冠一
尊宿肩隨鼎鼎四先生

同時任廣文者四人

專經共守家風

舊絕技端難世眼明最服古心

吳大尹世賢

真識賞西

江文格似南城

東黎選拔文瀾

柴門落葉正紛紛寂寞郊居黎子雲屐笠待隨風

兩去閒階一爲破苔紋

贈李雲嶠

自稱曰短李江右一畸人舊作諸侯客奇探寂寞濱
禹碑從倣古湘水偕垂綸五嶽入雙屐可逢張白
菴

孟公

謂幼鴻

招客至嶮韻關新詩得其千鍾飲聊爲

十日期綺裘憑記取木榻好懸之雪上留鴻爪由
來性不羈

登東坡新釀桂酒韻招幼鴻

酒船知幾倍於盆。席幕平教借大渾。從古醉鄉多壯語。就中好會是窪樽。酣歌擬共三冬暖。酬答誰拘一飯恩。却笑縣官清儉甚。茅柴賒得自前邨。義詩縣官清且儉。又曰前村酒可賒。

芷間乞寫飛鴻書屋圖系以長句

石牆環水竹編門。紆迴莎徑花樹繁。榕橋過盡茅堂出。曾到臺陽鴻指園。臬使蔣公允齋領郡時題額也。老守載書

連巨舶。高秋借寓從披緇。茂苑吳生我輩客。對案雌黃同討論。餘事丹青偶卽景。琴鶴便與寫清影。

予有題鄒寶松
太守琴鶴照詩

別來懷人憶舊游遠望側身天水

永書屋之名適然合前事未覺是幻境欄杆曲裏

一簾櫳插架牙籤幾

平聲

萬通風前碧玉千
簌簌露

下金井雙梧桐主人布置脫常徑不許畫手能爲

工點筆聊復記所見踪跡湘東如海東昨者吾詩

固云爾締構觀圖小異同

得陳暎千廣文書

好我遙傳千里思並將蹤跡報心知坡公無簡私

方叔溫造稱才藉退之

舊爲王惺園少宰客己亥
主浙試被落薦之楊澄齋

觀察游鯉湘川來不意深杯燕邸記臨岐何時竟
幕中遂西湖約便到高齋看綠猗

余有題賦干
湘管齋圖詩

陳圭至

遠來約無負竟亦不嫌遲籌畫爲長住安排閱幾
時窓燈動風箔山月到霜籬先作通宵語杯殘坐
更移

有客寓比隣謫仙之裔人

謂雲
嶠

明當爲折簡見自

許相親浪跡攜山屐行舟艤水濱聞名最傾倒留
待已經旬

懷朱鐔城司馬

滿船書畫海東歸，聞說蒼浪兩鬢絲。
詩格篆文知共老，楚江閩嶠費相思。
良朋容易團圓會，遠宦分明
區區羈何事。郎君也留滯，
丁酉己亥亦耗秀幾才均未歸里應舉
回惆悵桂花時。

小集陳幼鴻倡爲詩走筆答之

至友都容折簡呼，來隨新旭到寒晡。
先看洛下書生詠，
鴻病代寫西園雅集圖。
真契難逢經倒屣，高談未已再傾壺。
補成一序題章草，鹽紙平鋪點鼠

鬚

因陳蘭莊寄答余存吾檢討

數篇爲讀古文詞曾向城南過問之童子
磨門客來左主人上冢夜歸遲披帷袁粲終當見並世真
長亦竟知憑仗一言諧定約春風座上好談詩